

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Ex scriptura probatur dari in voluntate divina decreta ex parte objecti conditionata

[urn:nbn:de:hbz:466:1-77132](#)

creta conditionata, non loquimur de conditionatis primo modo, & ex parte subjecti (haec enim involvunt imperfectionem potentialitatis, & suspensionis, Deo repugnantem) sed tantum de conditionatis secundo modo, scilicet ex parte objecti.

26 Notandum secundò: Hic solum nos inquirere, an dentur in Deo decreta conditionata pro illis futuris, quae in Scriptura revelata sunt, qualia sunt v. g. conversio Tyriorum & Sidoniorum, si Christus apud illos praedicasset, Matth. 11. Vel seductio cordis filiorum Israël, si connubia duxissent cum alienigenis eis vicinis 3. Regum 11. De aliis enim conditionatis, quae nobis per revelationem non innescantur, vel quae ad providentiam Dei, & gubernationem hujus universi non pertinent, dicemus in Tractatu de voluntate Dei disp. 3. art. 3. ubi inquiremus, ac resolvemus, an voluntas divina circa futuritionem alicujus rei possibilis, possit manere suspensa, vel ab eterno circa futuritionem, vel non futuritionem, tam absolutam, quam conditionatam, omnium rerum possibilium se determinaverit? His præmissis.

27 Dico, decreta subjective absoluta, & objective conditionata, esse admittenda in voluntate divina, saltem pro futuris illis conditionatis, quae nobis in Scriptura revelata sunt, vel quae ad providentiam Dei, & gubernationem hujus universi pertinent. Ita communiter docent Thomistæ, quibus hac in parte favent quidam ex Theologis Societatis infra referendi, qui talia decreta, vel ut actu existentia in Deo, vel saltem ut possibilia, & nullam dicentia imperfectionem in voluntate divina admittunt. Unde Alarcon in Tractatu de Scientia Dei disp. 6. n. 7. & 8. anxie deplorat, plures ex Societate, hac in parte conspirare cum Thomistis, & manus cum eis jungere, solumque ab illis in modo loquendi discrepare. Eribidem faterur, Suarez, Ruizum, aliosque Societatis Theologos, ipsæcliciter pugnasse contra Thomistas, totiusq; triumphi palmarum, & felicitatem suo Magistro Vazquezio defensit; eò quod, nullo decreto conditionato in Deo admissione, scientiam medianam propugnaret. Sed quām infastè ipsi etiam Vazquez contra Thomistas certaverit, ex eo patet quod scientiam medianam alter non defendit, quām afferendo decreta Dei, à quibus Scriptura & SS. Patres totam vim divinæ providentiae, & rerum universi seriem pendere docent, per solum respectum rationis constitui, & in mera entia rationis resolvi: quod absurdissimum esse, & a mente D. Thomæ & omnium ferè Theologorum penitus alienum, Tractatu sequenti ostendimus. Certe si hæc Vazquezii doctrina & defensio, felicem Alarconi ejus Discipulo visa est habere exitum; quod tandem futurum est Suavis, Ruiz, & aliorum infortunium, quos in hoc bello & litterario certamine, infelices præ Vazquezio prædicat?

§. II:

Ex Scriptura probatur dari in voluntate divina decreta ex parte objecti conditionata.

28. Lib. 2 cap. 6 R Ectè olim Augustinus contra Donatistas disputans, dicebat: Non afferamus fratelas dolosas, ubi appendamus quod volumus, & quomodo volumus: sed afferamus divinam frateram de Scripturis sanctis, tanquam de thesauris dominicis, & in illa quid sit gravius appendamus: imò non appendamus,

A sed à Domino appensa recognoscamus. Non possum ergo melius ac solidius decretā conditionata de futuris sub conditione statui, quam demonstrando illa Scriptura consentanea esse, & ex pluribus ejus testimoniorum aperte deduci.

In primis nihil in Scriptura frequentius illa Dei voluntate, quam vocant antecedentem de latute omnium hominum: hanc vero in Deo reperi formaliter, & esse ex parte objecti conditionata, sequenti ostendemus.

Secundò, Deus pluribus locis Scripturæ revelavit se multa facturum, si talis vel talis conditione poneatur, quæ tamen de facto posita non est: ut quod dimittet & non debilit Sodomam, si in ea fuerint quinquaginta, vel tringinta viri justi Gen. 18. quod vivet Rex Sedechias, si exiret ad Regem Babylonis, Jeremia 18. & similia quæ passim in Scriptura occurrunt, quæ aperte indicant dari in Deo decreta conditionata ex parte objecti: nam quando Deus talia conditionata, ut certò & infallibiliter futura pronuntiabat, vel ejus voluntas erat determinata ad illa ponenda, vel non? Si primum, habetur intentum, talis enim determinatio, cum esset libera, & non necessaria, erat aliquod liberum decretum; & cum non esset absoluta, sed ex aliqua conditione pendens, non erat decretum absolutum, sed conditionatum ex parte objecti. Secundum verò dici nequit. Si enim voluntas divina era omnino suspensa & indeterminata ad illorum productionem, illi etiam effectus qui ab ea pendebant tanquam à causa, fuissent tunc suspensi & indeterminati; neque enim magis determinari esse possunt, quam voluntas divina à qua dependet illorum determinatio: Cur ergo Dei illos pronuntiat locis Scripturæ citatis, ut certos & determinatos, ac infallibiliter futuros, si post fuisset atque conditio?

Tertiò, In Scriptura extant plures promissiones & pacta de rebus sub conditione futuri nunquam implendis: Sed promissiones & pacta exprimunt voluntatem internam pacientis, quæ vult implere quæ promisit, si ad conditione apposita. Ergo juxta Scripturam dantur Deo volitiones, seu decreta absolute quoadactum, cum conditione objecti non apponenda. Minor est, evidens. Major vero ex variis Scripturæ testimonitis suadetur. In primis enim Deus fecit patrum cum primo homine, quod filii ipsi nascerentur cum gratia & justitia originali, si ipsi non peccaret, cum peccato vero originali, ille peccaret, ut communiter docent Theologi contra Januenium, & probant cum illo Eccl. 17. *Testamentum aeternum constituit cum illis (Adamo scilicet & Eva) & justitiam & iudicium suscepit illis.* Tum ex illo Osee 6. ipsi fecerunt Adam transgressi sunt pactum, ibi prævaricati sunt omnes. Similiter cum Davide & Salomone fecerunt Deus patrum, quod sedenter filii eorum usque in seculum super Thronum Israël, si custodirent mandata ejus, ut dicitur 3. Regum 9. & tamen constat, quod filii Salomonis non regnaverunt super Israël, sed scilicet regnum in Roboam, & solum regnavit super Judam & Benjamin, neque hoc in sempiternum, sed usque ad Sedechiam, qui fuit ultimus Regum Juda.

Quartò, Christus Matth. 26. assicerit exhibiendum Patrem plusquam duodecim legiones Angelorum, si rogetur à Filio: Sed talis exhibito eo momento quo à Christo afferbatur, non solum fuit prævisa à Patre, sed etiam volita: Ergo in Deo

Deo volitiones, seu decreta absoluta ex parte subiecti, & conditionata ex parte objecti, admittenda sunt. Major & Consequentia patent, Minora vero suaderunt, tum quia dictum illud Filii de futura exhibitione Angelorum probatur a Patre: Ergo revera illam volebat, quid enim est Deum aliquid velle, quam illud re ipsa libi placere? Tum etiam, quia si posibile tantum fuisset illud decretum de mittendis Angelis, voluntas Dei circa tale objectum, fuisset merita indifferens & suspensa: Quomodo ergo certa & firma fuit exhibito, & a Christo asserta ut indubitate? Cur enim vis effectum magis certe esse determinatum, quam plamnet causam? Ergo vel utrinque est suspicio & indifferens, vel resolvenda est voluntas divina per actualē decretum.

³² Denique 4. Regum 13. dist. Eliseus ad Joam Regem Israël: Si percussisses (supple jaculo) terram quinque, aut sexies, sive septies, percussisses Syriam usque ad consumptiōnem: nunc autem tribus vicius percuties eam. Sed hujus futuri conditionati veritas non potest fundari in aliqua connexione, seu ordine quem antecedens habeat ad consequens, cum sit de conditione omnino disparata: Ergo solum potest fundari in decreto libero divine voluntatis, illa extrema connectens & statuens devastare Syriam, ex hypothesi quod Rex Iacob toties jaculo terram percuteret.

Nec valet quod ait P. Annatus, eo loco non tam significari, quid homo ex hypothesi liberè faceret, quod potissimum queritur, quād quid faceret ipse Deus; cūm sensus sit, si percussisses quinque terram, dedisser tibi Deus vires ad percutiendam Syriam usque ad consumptiōnem. Non valet in qua minime enim ibi queritur solum, quid Deus, sed etiam quid homo faciatur sit, nempe, si percusserit septies, aut quinque terram, sit hostes ad internectionem deletur. Unde Deus habet decreta conditionata, non solum de his quae tantum à sua voluntate dependent, sed etiam de his quae pendent à voluntate & libertate hominis.

S. III.

Eadem decreta, iuxta doctrinam D. Augustini & S. Thomae in Deo esse admittenda ostenditur.

³⁴ Non solum ex Scriptura, sed etiam ex doctrina SS. Patrum, praesertim Augustini & Thomae probari potest, in Deo admittenda esse decreta absoluta ex parte subiecti, & conditionata ex parte objecti. In primis enim Augustinus locis disputatione sequenti referendis, expresso docet Deum talia futura in sua prædestinatione seu decreto certe cognoscere: Sed non in decreto absoluto ex parte objecti, ut patet: Ergo solum in decreto ex parte objecti conditionato. De quo fuisse disputatione sequenti.

³⁵ Secundo, D. Thomas in 1. dist. 46. quest. 1. art. 1 ad 2. haec scribit: Voluntas antecedens potest dici conditionata, nec tamen est imperfectio ex parte voluntatis divina, sed ex parte voluntatis, quod non accipitur cum omnibus circumstantiis, que exiguntur ad rectum ordinem in salutem. Sed voluntas antecedens est voluntas beneplacitū, ut docet idem S. Doctor quest. 23. de verit. art. 3. in corp. his verbis: Inventur enim in Deo propriatio voluntatis, & sic voluntas deo proprie dicitur; & hac est voluntas beneplacitū, que per antecedentem & conse-

A quentem distinguuntur. Ergo ex D. Thoma datur in Deo voluntas beneplaciti conditionata, ac proinde decretum subiectivè absolum, & objectivè conditionatum.

Terter, Idem S. Doctor 1. p. quest. 19. art. 7. ³⁶ ad 2. sic ait: Multa sunt in virtute & scientia & voluntate divina, que non continentur sub ordine causarum inferiorum, sicut resuscitatio Lazari. Vnde aliquis respiciens ad causas inferiores dicere poterat, Lazarus non resurget: respiciens vero ad causam supremam divinam, poterat dicere, Lazarus resurget. Et urre unque horum Deus vult, scilicet quod aliquid quandoque sit futurum secundum causam inferiorem; quod tamen futurum non sit secundum causam superiorum, vel è converso. Ex quo loco sic argumentor. Secundum D. Thomam, Deus vult aliquid quod quandoq; est futurum secundum causam inferiorem, non tamen secundum ordinem causa superioris: Atqui illud quod est futurum secundum ordinem causarum inferiorum, non vero secundum ordinem causa superioris, est futurum conditionate, quia scilicet esset, nisi Deus aliter ordinasset, propter rationes occultas suæ providentiae: Ergo ex D. Thoma datur in Deo decreta conditionata ex parte objecti.

§. IV.

• Eadem veritas ratione suaderetur.

³⁷ PLures etiam in ejusdem veritatis confirmatione rationes adduci possunt. Prima sic potest proponi: Que non sunt ex se & ex sua natura connexa, non possunt infallibiliter connecti, nisi ab aliqua causa extrinseca & infallibili: Sed Converio Tyriorum v.g. non erat ex se & ex natura rei connexa cum prædicatione Christi, vel cum illis signis & virtutibus quæ Christus fecit apud Iudeos, ut evidens est: Ergo non poterat infallibiliter connecti cum tali conditione, nisi ab aliqua causa extrinseca, illa extrema infallibiliter conjungente: Hæc autem non potest alia esse, vel concipi, quam voluntas divina, que positâ tali conditione, decreverat dare Tyriis gratiam efficacem, per quam infallibiliter simul & liberè ad fidem converterentur; voluntas enim creatâ cūm de se sit causa fallibilis & contingens, non potest ex se esse causa certa & infallibilis talis connexionis, sed solum prout subest efficaci Dei decreto & auxilio, eam ad agendum applicante & determinante: Ergo &c.

Confirmatur: Quando conditionalis non est vera in vi illationis, non potest esse vera absolute, nisi in vi aliquius causa extrinseca, quæ infallibiliter ponat consequens, posito antecedente, ut docent Dialectici in summulis: Sed in istis propositionibus conditionalibus de futuro contingenti, quas Deus in Scriptura revelavit: Si percussisses terram quinque, aut sexies, sive septies, percussisses Syriam usque ad consumptiōnem. 4. Reg. 13. Si custodieris filii tuī legem meam, sed hanc super Thronum tuum usque in sempiternum. 3. Reg. 9. Si in Tyro & Sidone facte fuissent virtutes quæ factæ sunt in te, in cilicio & cinere paupertatem egissent. Matth. 11. Antecedens non continet causam certam & infallibilem Consequentis; cūm conditionata illa sint disparaata, & effectus contingens nullam habeat connexionem ex natura rei cūm conditione: ut patet in illa percussione terra, quæ nullum ex natura rei nexus habebat cum destratione Syriæ, & victoria Regis Isra-